

八瓊室金石補正

八瓊室金石補正卷八十三

太倉陸增祥撰

男 繼輝校錄

吳興劉承幹覆校

宋二

温室洗浴眾僧經記

高一尺五寸六分廣三尺二寸五分四十七  
行行字大小均不等行書在洛陽存古閣

佛說温室洗浴眾僧經一卷

後漢安息三藏安□□□

下此行小字經四分在標題下

建造温室浴刊寫真文□福無□

下缺

著他方願滿四宏位絕三界然

下缺

此二行在經文末句  
吳興劉氏

下亦  
小字

時大宋建隆二年歲次辛酉二月十一日乙亥洛京

右街應聖口

下缺

龍興寺鑄銅像記

乾德元年五月八日在正定府萃編載卷一百二十三

大駕親征

缺大

時須

缺須

萬人計

缺計

基址

址誤北

文首敘開寶二年太祖親征河東而碑末乃作乾德

元年諦審其字蹟實與序文無二惠演雖鄙俚無文

亦何至舛錯至是殊不可解案葛葉撰龍興大悲閣

記稱景祐中寺僧惠演錄其興建之蹟甚詳云云據

此則惠演是仁宗時僧碑之年月無稽因刻於葛記

碑陰即附於葛記之後碑爲王氏金石萃編所收而  
乾德之誤竟未舉及其他則王氏言之頗詳茲不復  
贅記稱差三道殿頭一道入龍興寺一道入開元寺  
一道入永泰寺攷宋內官傳有殿頭有祇應殿頭當  
即此開元寺即今府治南之開元寺正定府志永泰  
寺在城北金大定中建今此記有永泰寺則方志云  
金建者誤矣又記有軍器庫使劉審瓊等諸人皆無  
表見通判軍府事范德明當是鎮州官教練使之名  
宋史職官志兵志皆不載通攷云開寶中嘗置軍教  
練使在指揮使上後廢都副鈐轄通攷云宋初以朝

官及諸司使以上充或一州或一路或兩路三路亦無有都字者又合璧事類後集引續會要載兩朝國史云官高資深充都鈐轄官卑資深稱鈐轄軍器庫使職官志軍器監國初戎器之職領於三司胄曹案官無專職熙甯六年廢胄曹案置監以從官總判又衛尉寺所隸官司有軍器弓槍庫軍器弩劍箭庫通攷宋武庫武器並歸內庫及軍器庫以他官及內侍典領軍器凡四庫勾當官並二人衣甲弓槍弩箭三庫悉以諸司使副及內侍充什物庫以三班使臣充掌禁兵器鎧甲供軍什器儲峙之物辨其出納又職

官志少府監有諸州鑄錢監監官各一人又將作監有東西八作司掌京城內外繕脩之事八作司之置十將史所未詳雄勝指揮員寮宋史兵志侍衛司步軍有雄勝開寶中以剩員立太平興國中選入上鐵林餘如故又有雄勝剩員指揮三峽冀濟各一案剩員之名起於太祖建隆元年詔殿前侍衛二司各閱所掌兵練其驍勇升爲上軍老弱怯懦置剩員以處之給官符宮觀園苑寺廟之役鑄象蓋閣興工於開寶四年正剩員置雄勝之後員寮之名兵志殿前司有新安內員寮直侍衛司騎軍有員寮剩員直步軍

有川員寮直然則碑載雄勝指揮員寮當即兵志雄  
勝刺員指揮無疑矣碑文鄙俗無足取特因其敘鑄  
象之制頗詳故錄之以補龍興寺之掌故焉

常山貞石志

梯航作抗抗即杭字特變木从手耳毛詩一葦杭  
之楚詞惜誦魂中道而無杭史記司馬相如傳蓋  
周躍魚隕杭杭絕浮渚太元劇蔽於天杭皆即航  
之通借萃編以爲別字殆非碑兩用般取知今俗  
搬移字可用般爲之沈範廬輯常山貞石志以碑  
刻於紹聖四年大悲閣記之陰紀年舛錯即附於  
閣記碑後萃編不載閣記余亦未得拓本仍依原

次閣記立於紹聖四年此碑末題乾德元年不應  
反在碑後竊意此碑先未上石迨紹聖年刊刻大  
悲閣記因取惠演舊文附鐫於碑後原文未必有  
碑尾年月殆補刻者所增遂致錯誤而未深究歟  
夢英十八體篆并贈詩及書

高四尺一寸廣二尺五寸四截每截行字大小均  
不一詩句篆書題釋分書餘並正書在西安碑林

南岳宣義大師夢英十八體書丁卯年於長安集

此二行在

第一截贈  
詩之前後

沙門惠休詩

在文選中

西北秋風至楚客心悠哉日

暮碧雲

合佳

人殊未來露彩方泛艷月華始徘徊

寶書



爲君掩瑤瑟詎肯開相思巫山渚悵望雲陽臺膏鑪絕  
沉燎綺席生浮埃桂水日千里因之平生懷

此行在下  
三截之右

方  
沙門惠休詩

古夾者黃帝史蒼頡之所作頡有四目

通於神明仰觀奎星圓曲之勢俯察龜夾鳥跡之象采  
衆美合而爲字故曰古文孝經援神契云奎主文章蒼  
頡倣象是也自秦用小篆焚燒先典古文絕矣武帝昔  
魯恭王壞孔子宅壁得古文尙書自後隨班變易已成  
數體矣

西北秋風至

大篆者周宣王太史史籀之所作始變

古文或同或異謂之爲篆篆者傳也傳其物理施之無窮甄鄧定六書三曰篆書八體書法一曰大篆又漢書藝文志史籀十五篇竝此也以史官製之用以教授謂之史書凡九千字漢元帝王遵嚴延平竝工史書是也

楚客心悠哉

籀文者亦史籀之所作與古文大篆小

異後人以名稱書謂之籀文七略曰史籀者周嘗史官教學童書也與孔氏壁中古文體異其跡有石鼓文存焉蓋諷周宣王畋獵之所作今在陳倉少人攻學

日暮碧雲合

廻鸞篆者史佚之所作粵在文代赤雀

集庭降及武朝丹鳥流室今之此法顓寫二祥其草木  
鳥獸山川虫魚飛走動隱而成其字自後季世湮謝聖  
哲淪徃唯史氏研精功爭造化矣

佳人殊未來

柳葉篆者衛瓘之所作衛氏三世攻書

善乎數體溫故求新又爲此法其跡類薤葉而不負筆  
勢明勁莫能傳學衛氏與索靖並師張芝索靖得張之  
肉衛瓘得張之筋故号一臺二妙

露彩方泛艷

巫雲篆者衛恒之所作軒轅之代慶雲

常現其體郁郁紛紛爲書紀職效字之興取諸爲象書  
品云衛恒書如搖華美女舞笑鏡臺筆動若飛字張如

雲昇能傳學衛氏即巫雲之祖

月華始徘徊

雕虫篆者魯秋胡妻之所作秋胡隨牒

遠仕荏苒三季鳴垓有懷春屈多思桑梓閑翫集爲此  
書亦云戰筆書其體適健巫畫纖長旋繞屈曲有若虫  
形其爲狀則元鳥優游落花散漫矣

寶書爲君掩

小篆者秦相李斯之所作增損大篆異

同籀夾謂之小篆亦曰秦篆畫如鐵石字若飛動作楷  
隸之祖爲不易之法其名題鐘鼎及作符印至今用焉  
受命于天既壽永昌等即李斯之小篆也

瑤瑟詎肯開

填篆者周之媒氏以仲春之月判會男

女則以此書表信往來及魏明帝使京地韋仲將點定  
芳林苑中樓觀王廙王隱皆云字閒滿密故云填篆亦  
曰方填書至今圖書印記竝用此書

相思巫山渚

飛白書者後漢蔡邕之所作漢靈帝嘉

平季詔蔡邕作聖皇篇篇成詣鴻都門進昔方修飾鴻  
都門見復人以聖帚成字心有悅焉歸而爲飛白書漢  
末魏初竝以題署宮闕其體有二創法於八分窮微於  
小篆蕭子雲飛白論云王次仲飛而不白蔡伯喈白而  
不飛

悵望雲陽臺

芝英篆者漢陳遵之所作陳氏每書一

聖皆驚昔人謂之陳驚聖咎六國各以異體之書潛爲符信則芝英興焉秦焚邱典其夾煨滅在漢中葉武帝臨朝爰有靈芝三本植於殿堦旣歌芝房之曲又述芝英之書焉陳氏即芝英之祖

膏鑪絕沈燎

剪刀篆者韋誕之所作亦曰金錯書本

古之錢名周之泉府厥跡不存降茲以還其夾可觀若漢之銖兩新之刀布今具存焉其爲體狀若麗匣盤龍新臺舞鳳自後史游深造其極焉

綺席生浮埃

薤葉篆者僊人務光之所作務光辭湯

之禪去往清冷之陂植薤而食輕風時至見其精葉交

偃則而爲書以寫紫真經三卷見行於世其爲狀也若  
滄風遠望寒雲片飛在絕人學矣

桂水日千里 龍爪篆者晉右將軍王羲之所作羲之  
曾遊天台還至會稽值風月清照夕止桐亭臺詠之末  
題柱作一飛字有龍爪之形焉因之遂稱龍爪書其勢  
若龍威虎振拔劍張弩

因之平生懷

科斗篆者其流出於古爽尙書序費氏

注云書有二十法科斗書是其一也以其小尾伏頭似  
蝦蟇子故謂之科斗魯恭王壞孔子宅以廣宮室得  
科斗尙書反禮記論語凡數十篇皆科斗爽字

乾德五季於 璆瑤篆者後漢劉德昇之所作也因夜  
觀星宿而爲此法特乃存古之梗槩變隸之規蹤體類  
科斗而不直勢同迴鸞而宏逸天假其法非學之功雖  
諸家之法悉殊而此書最爲首出後漢儒生皆皆攻學  
長安書宣義 懸針篆者漢章帝郎中扶風曹喜之所  
作也用題五經篇目纖抽其勢有若針之懸鋒也故曰  
懸針河洛遺詒云懸針之書亦出曹喜小篆爲質璆瑤  
爲紀題署五經印其三史以爲楷則傳芳千祀懸針即  
曹君爲祖

大師夢英集

璆瑤篆者漢章帝郎中扶風曹喜之所



作以書章表奏事謂其點綴如輕露之巫條累巫欲落之象故云巫露漢宣帝嘗重此書

懸之

帳內謂言瞿喜

之書如金盤瀉珠風篁雜雨八法元妙一字干

金

以上下  
三截

贈宣義大師歌 朝請大夫侍御史知雜事馬去非上

伏犧氏作文籍生古文一變為大篆小篆

成李

斯既往

誰得名有唐還有李陽冰陽冰歿後誰復生 大宋有

僧曰夢英吾師吾師能前此好古之人雙眼明

紀贈南岳宣義大師夢英篆書歌 前進士宋白上

衡山神秀瀟湘清精靈清發奇人生金僊才子稱夢英  
玉筋篆書天下名隸外攻翼又攻柳率更行體兼而有  
別得張顛草聖才筆頭燦爛龍蛇走八分飛白皆精練  
長安粉壁狂題遍功□□讓狸骨帖聲價高於鐵門限  
皇唐偏說懷素師善草不□□副之近代靜僧小歐跡  
謹楷齷齪無多奇驚師宿世曾勞□□紙骨筆血爲墨  
受佛付囑寫微言今生所以書無敵我□□奇滿天下  
多見名書與名畫雖向煙霄未稱心待取珊瑚爲筆架  
仗茲懶愛吳筠碑新歌重贈撲凸奇

贈英公大師

翰林學士尙書司封郎中知制誥賈黃

中

金

仙子便是師師高道甯容世網羈浩浩情田龍可擾

飄飄行

止鶴應知塵機擺落超三界古篆沉研冠一時

莫恠伊余苦

珍

重白蓮香社有心期

英公大師篆書詩二絕

太華希夷先生陳搏

南來別九華少年師号紫袈裟驚天動地懷何藝

古高十八家

又

上帝回成鳥跡蹤又於

玉筍別

如今朴散浮華筆环重

吾師結古風

夢

英上人

樞密直學士朝請大夫上柱國賜紫金魚

袋祖逢

幾年攻學楚江濱十八家書妙入神莫恠老

夫偏愛惜李陽冰後更無人

贈英公大師

太

常博士李頌

篆高神品秀爽天骨敏捐機先談深理窟潛極蒼源元  
臻籀闢玉無疵瑕車有輓輒達識圓明靈襟洞豁粹稟  
飛星肖掛流月大飲陶陶閑遊兀兀肯如常人名利乾  
沒

送英公大師歸終南 太子中含靈岳

擬息遊方興羅龕近翠微幾程勞夜夢一錫向秋歸月  
彩籠清磬嵐光潤紫衣重尋溪上路楓葉□巖扉

贈英公大師

著作佐郎許道甯上

業就撈筇別五湖 御簾香暖幾曾趨  
精搜象外吟情逸 元達禪中惠性殊  
江塢秋思霜橘美 雲房高寄海峯孤  
白蓮共結他年約 還放踈慵入社無

聞英上人十九簾前賜紫 閑廐副使何承矩

遠聞貢藝趨 丹闕 萬乘稱奇賞少年  
玉筋纔書金

殿裏 皇恩旋降翠簾前行齊支遁  
喧三楚學富陽水

振九天近見來僧頻有說 賜衣猶帶 御爐煙

送英公大師歸終南 太常丞呂端

衡岳煙蘿紫閣雲 名高湖外晚遊秦  
清詞古學儒生業圓笠方袍釋子身  
竹杖柱歸山裏寺 篆書留與世間人

我疑簪組成爲縛空仰

吾師去路塵

贈英公大師

圭峯賜紫

永牙上

吾宗何事獨稱雄今昔名高繼古風王右軍書傳智永  
李陽冰篆付英公墨研天電煤疑絕硯琢端溪石欲空  
珎重真蹤千載後誰來三日看無窮 贈英公大師  
文暢大師賜紫元寶上

□愛王家草聖蹤獨於小篆苦留功何人會得

師高意欲把時風變古風

鄉貢進士袁允忠書歌

詩

以上弟  
一截

前攝鎮國軍節度巡官安文璫刊僧勅信 安懷玉

白文贊 共建 小師元序 元秘 元穹 元

之勾當

此三行在弟二截之左

紫塞雲高皇朝路遠每捧報瑤之翰如窺連壁之姿忠  
恕自落朝班累承詔命已得林泉之味堅辭名利之場  
鶴髮半生爰心久死與師金蘭敦義香火修回飛杯容  
許於醉狂結社不嫌於心乱共得陽冰筆法同傳史籀

書跋常痛屋壁遺文汲塚舊簡年代浸遠謬誤滋多賴  
與吾師同心正古近覽真翰轉見工夫歲勢過峯方上  
圓下可以方古教人也晉宋而下通篆籀者寡唯碑碣  
印記時用數字傳授者未克研精何妨檢討盜聽者耻

於好問加之穿鑿齋中序云小篆散而八分生八分破而隸書出隸書悖而行書弊行書狂而草書聖自隸已下吾不欲觀之矣見寄偏旁五百四十一字按說文字原唯有五百四十部予字合收口子部今日錄妄有更改之又集解中誤收去部在注中今點檢偏旁少晶𠂔至龜弦五字故知林氏虛誕誤於後進者小說見豈焚之聊以親書達心俟以万劫發願何人知之英公知之不宣遷客郭忠恕書達英公大師座前 十二月二十

五日

此四行在碑左  
刊石人名之下

黃魯直云李龍眠得金銅戟于市漢物也泥金六字



字家不能讀蟲書妙絕于今諸家未見此一種乃知  
唐元度僧夢英皆妄作耳然則今所傳十八體出英  
公杜撰欺世非古實有之也音釋分隸頗有批法碑  
首載贈詩正書亦勁健皆是英公手耶如此公亦非  
孟浪者矣

石墨  
鐫華

贈詩共十二人馬去非朱白賈黃中陳搏趙逢李頌  
廬岳許道甯何承矩呂端僧永牙元寶咸平元年刻  
者惟賈黃中呂端二詩相同此題端爲大常丞當是  
太祖定國時所贈然則咸平刻云特進太子太保致  
仕者爲追錄無疑也米芾書史曰夢英諸家篆皆非

古失實一時又從而贈詩使人愧笑

關中金石記

文選載此詩爲江淹擬休上人怨別之作而夢英  
竟以爲沙門惠休詩何也瑤瑟詎肯開文選作瑤  
琴詎能開與此不同至雲陽臺作陽雲臺汲古則  
閣本則  
文選之誤也題釋分書書轅作轅書苒作蕪大謬  
贈詩之尾署袁允忠書歌詩石墨鐫華何以有皆  
是英公手之語郭忠恕書爲偏旁字源而作何以  
附列於此碑句語與偏旁碑小異

李宏等金泉觀詩

高四尺七寸廣四尺一寸十八行行  
字不一字徑二寸餘正書在南充

自今季春來遊金泉觀偶成七言四韻詩一首并序其事

余自戊辰歲奉

命乘輅通判州事屬以干戈乍

息寇盜仍多烽煙時起於四郊獄訟常親於五聽公庭少暇私譙無憫泊周星已來庶務稍簡方思命侶同共

盤遊因屈名山覩茲殊事寶殿崢嶸而若畫眸容飭髣以如生巖岫嵌空是謝女修真之所松篁蒼鬱有神仙受籙之蹤芝散異香泉飄細韻宛若桃源之內深疑閭苑之中應覽幽奇頓消煩鄙因成短引偶賦一章遂命濡毫鐫之于壁

宣德郎守秘書丞通判果州權知軍州事李宏

昔時謝女昇天處此日遺蹤尙宛然彈脫舊衣留石室

龍飛靈水湧金泉碑書故事封蒼蘚殿寫真容鑲翠煙  
薄暮松巔聽鶴唳猶疑髣髴是神仙

時大宋開寶二年歲次己巳二月十五日記

依韻攀和 通判負外題金泉觀之作

朝散大夫行左補闕西川諸州水陸計度轉運  
副使柱國楊克讓

冲虛脫屣世綿綿勝地人來尙凜然不見綵雲迎皓鶴

空留恠石漱清泉侵階蔓草迷香逕偃蓋寒松雜暮煙  
靜化信從无妄得堪思漢武亦神仙

李宏詩見明統志石本缺龍字据以補注於旁太  
平寰宇記南充縣謝真人祠唐書貞元十年謝真  
人名自然於縣界金泉紫極宮白日上昇郡郭是  
夕有虹霓雲氣之狀明統志順慶府金泉山在府  
城西唐仙女謝自然於此白日飛昇上有石像宋  
李宏詩云云此即是也詩云碑書故事封蒼蘚是  
祠本有碑今不存矣楊克讓宋史有傳字慶孫同  
州馮翊人乾德六年知果州上言願畢襄事特賜

緡錢許葬畢赴任開寶三年就命爲西川轉運副  
使蜀民懷其善政璽書褒美官至兩浙西南路轉  
運使兼市舶使此詩刻於開寶二年自署轉運副  
使則史三年當爲二年之誤不言左補闕者略之  
耳

石魚題刻一百段

在涪州

申狀題記

下截未全高四尺四寸廣三尺五寸五分  
十三行行存十八字至六字不等字徑一

寸六分前署衙三行  
行字不等並正書

上缺檢校太子賓客兼監察御史武騎尉鄧 呂

黔南左都

押衙

銀青光祿

大夫檢校太子賓客兼監

察御史武騎尉□ 呂

知黔州事銀青光祿大夫檢校工部尚書上柱國謝

昌□

據左都押衙謝昌瑜等狀申大江中心石梁下古記及

水際有所鑄石魚兩枚古記云唐廣德缺春二月歲次

甲辰江水退石魚出見下去水四缺問古老咸云江水

退石魚見即年豐稔時刺史缺州團練使鄭令珪記自

唐廣德甲辰歲至缺開寶四年歲次辛未二月辛卯朔

十日丙缺餘年今又復見者覽此申報遂請通判缺徒

巡檢司徒軍州官吏等因命舟楫缺古記實不謬矣於

戲義哉盛事直逢

昭代斯乃呈祥有以表

吾皇之聖化遠

缺

記之兼尋具奏

缺

聞訖時大宋開

缺

朱昂詩

高四尺九寸廣五尺五寸十三行行字不一字徑三寸許正書

涪州江心有巨石隱于深淵石傍刻二魚古記云

魚出歲必大豐端拱元年十二月十有四日昂自

瞿塘迴遭途于此知郡瑯琊王公□云石魚再出

來歲復稔昂往而觀之果如所說因歌

聖德輒成一章

朝請大夫行尚書庫部員外郎峽路諸州水陸



計度轉運使柱國朱昂上

欲識豐年兆揚鬚勢漸浮只應同在藻無復畏吞鈞去  
水非居轍爲祥勝躍舟須知

明聖代涵泳杳難儔

劉忠順等詩

高六尺廣八尺共十九行  
行字不等字徑三寸正書

留題涪州石魚詩一章

轉運使尙書主客郎中劉忠順

七十二鱗波底鏑一銜萑草一銜蓮出來非共貪芳餌  
奏去回同報稔年方客遠書徒自得牧人嘉夢合相  
先前知上瑞宜頻見

帝念民饑

刺史賢

無逸謹次韻和

轉運郎中留題涪州雙魚之什

尚書毛田貪外郎知梁山軍水邱 無逸

誰將江石作魚鰕奮鬣揚鬚似戲蓮今報豐登當此日  
昔模形狀自何季雪回呈瑞爭高下星以分宮較後先

八使經財念康阜

寄詩褒激

守臣賢

聖宋□□元年正月十二日

缺州事鄒霖命工刊石

新授安州雲夢縣令恭士燮書

建元剝泐据蹇材望詩引知爲仁宗皇祐也無逸  
詩下方空處爲元豐九年鄭顓等題名弟七行下  
方有元祐五年題名其右又有王珪直三字

武陶等題名

高四尺廣二尺四寸四行行十一字字  
徑三寸餘刻作碑式額題遊石魚題名

記六字並正書  
四周有花紋

尙書虞曹外郎知郡事正陶熙古涪忠州巡檢殿直侍

其瓘純甫郡從事傅顏希聖嘉祐二年正月八日謹識

劉仲立等題名

高三尺八寸廣二尺四寸四行行九字字徑二寸五六分又刻石人名一

行八字正書  
四周有花紋

民掾劉仲立正臣憲掾劉煥仲章涪陵宰□□□良朝

嘉祐二年仲春同游此言誌

教授徐爽□

之監鑄

郡從事馮□等題名

高四尺廣二尺九寸六行行十字字徑三寸五六分正書

郡從事馮王君錫監征王震伯起督郵高槩秉節涪陵

令黃君□□□□□傳者□□□□□瑾公瑒大宋

治平□□□月二十□日同觀石魚于此謹誌

徐莊等題名 未全高四尺廣二尺九寸七  
行行七字字長徑五寸篆書

大宋熙寧元季正月一十日軍事判官徐莊同巡檢供

奉王安民監稅殿直王克岐知樂溫縣鍾浚涪陵縣令

趙君儀司理參軍 缺

韓震等題名 高三尺六寸廣三尺四寸九行行十字  
字徑二寸三四分正書四周有花紋

都官郎中韓震靜翁屯田外郎費琦孝琰姪伯升景先

進士馮造深道盧邁彥通暇日因陪太守駕部員外郎

姜齊顏亞之同觀石魚按舊記太和洎廣德年魚去水

四尺是歲稔熟今又過之其有秋之祥歟熙甯七年丙

月二十四日題

黃覺等題名

高二尺二寸廣二尺六寸七行  
行七字字徑二寸五分正書

葭州奉節縣令權幕通川黃覺莘老戶掾平原李綏公  
敏掌獄鄴都梁鈞佐袞臣熙甯甲寅孟春二十九日泛  
輕舟同觀石魚于此

鄭顥等題名

高二尺九寸廣一尺七寸六行  
行九字字徑二寸五六分正書

元豐九年歲次丙寅二月七日江水至此魚下五尺權  
知涪州胡請大夫鄭顥愿叟權判官石諒信道同觀權  
通判黔州朝奉郎吳縝廷珍題

□兆思題名

高廣不計二行  
字徑一寸許正書

太原口兆男

元祐五年正月十五日

右刻在劉忠順詩刻下方書刻率劣

楊嘉言等題

尚三尺六寸廣三尺二寸八行行十字十一字字徑二寸許正書

聖宋元祐六年辛

缺望日聞江水既下因率

判官錢宗奇子美涪陵

縣令史詮默師主簿張微明仲

縣尉蒲昌齡壽朋至是觀唐廣德魚刻并大和題紀朝

奉即知軍州事楊嘉言令緒題

姚珪等題名

高三尺廣二尺六寸七行行八字字徑二寸五分正書

元祐癸酉正月中泮前一日郡守姚珪率幕賓錢宗奇

涪陵令杜致明主簿張微縣尉蒲昌齡並龍令袁天倪

遊覽因記歲月巡檢王恩繼至

黃庭堅題名

高一尺二寸廣一尺一寸三行  
行三字字徑二寸五六分行書

元符庚辰涪翁來

孫義叟等題名

高二尺四寸廣二尺六寸七行  
行字不一字徑二寸許正書左行

崇甯元年正月廿四日同雲安符直夫臨江字□深之

來觀

故□相朱公留題裏面久之四世孫

仲隱

□

□孫義叟敬書

缺

致君致□侍行

揚元永等題名

高三尺六寸廣三尺四寸十四  
行行十三字字徑二寸許正書

□之西津江

缺八  
字

自唐以前至本

缺七  
字

地大宋崇甯元



年缺六考驗刻悉符人缺六泛舟來觀至者

十一人知上揚元永剛中奉議郎河缺四井從事江

陵孫義叟敦缺三太原王心卿良弼涪陵令雲安符正

中直夫錄參穎川蔡忱節信樂溫令會稽賀致中慎叟

理掾祥符楊緯文林民掾京地田子良漢傑涪陵簿冀

陽張延牟帝逸尉趙郡宇文湛深之是月中辭後一日

致中命書

龐恭孫等題名高三尺五寸五分廣一尺九寸八行行十六十七字字徑二寸正書

大宋大觀元年正月壬辰水去魚下七尺是歲夏秋果

大稔如廣德大和所紀云二年正月壬戌朝奉大夫知

涪州軍州事龐恭孫記

左班殿直兵馬監押王正卿將仕郎州學教授李賁  
通仕郎錄事叅軍杜咸甯通仕郎涪陵縣令權簽判  
張永年將仕郎司理叅軍黃希說將仕郎涪陵縣主  
簿向脩將仕郎涪陵縣尉胡施進士韓朝書

左方見正月中泮四字

王蕃詩

高三尺四寸廣三尺六寸共十行  
行字不一字徑三寸五六分正書

蕃解

□

□

□

道出涪

陵

司馬机才礪爲

□

陵替郵

實攝

郡

事政和壬辰正旦之明日拉觀石魚且率賦

詩遂爲一篇

沂國王蕃

冬旱江成渚維集記石稜滋濡春遂

後失拓

蒲蒙亨等題名

高二尺八寸廣一尺七寸四行  
行七字字徑二寸五分正書

閬中蒲蒙亨彦開通川牟天成聖俞同觀石魚政和王

辰孟春二十三日

此磨舊刻爲之行間尙存張侍行元正月記七字

蒲蒙亨等再題

高二尺三寸廣一尺三寸四  
行八字字徑二寸正書

政和二年正月二十三日司理蒲蒙亨率涪陵令周禧

尉牟天成同觀石魚

吳革等題名

高三尺五寸廣三尺一寸十一  
行十三字字徑二寸許正書

易以包無魚爲遠民民固可近不可遠余牧是邦久矣

今歲魚石呈祥得以見豐年而知民之不遠也即塵顯  
妙有開之先余樂斯二者遂率賓僚共爲之遊時宣和  
四年十二月十五日朝散大夫通判軍州事常彥奉議  
郎前通判達州權司錄事李全修武郎兵馬都監曹綰  
宣教郎權司士曹事王拱迪功郎涪陵縣尉張時行朝  
奉郎權知軍州事吳革題

毋邱兼孺等題名  
高三尺五寸廣一尺二寸三行行  
十三十四字字徑一寸七八分正

書

聞中毋邱兼孺南榮句惇夫眉山劉大全孫伯達宣和  
乙巳正月八日同來毋邱光宗孫若訥若拙侍行

陳似等題名

高三尺九寸廣四尺二寸九行行八九字字徑三寸餘正書左行

〔炎已酉正月二十一日憲屬陳似襲卿還恭攝郡事

王拱應辰送別江臯僚友不期而會

□周祉受卿劉純

常大全孫之才伯達林琪子美同觀石魚薄暮而歸時

魚去水六尺襲卿書

銅鍤徐朝卿太原

史時傑等題名

高三尺廣一尺六寸四行行五六字字徑三寸餘行書

史時傑周受卿劉公亨孫伯達

□子美建炎

缺 □日□

右刻在馮君錫之右

文悅等題名

高三尺三寸廣二尺五行行凡九字字徑三寸許正書左行

成都文悅理之周祉受卿唐安周南廷向文登劉蒙公

亭眉山劉純常大全姪庚明儒孫之才伯達

趙子適等題名高四尺廣三尺四寸八行行八字字徑二寸五六分正書篆額題觀石魚

題記  
五字

趙子適述道崔煒叔明閻璟國華李去病仲霍李宗賢

師德陳革子正王叔德初虞中立和甫王駿德先鄧奇

穎伯董天成常道紹興壬子正月三日同游

何夢與等題名高一尺二寸廣一尺三行行七字字徑二寸正書左行

金沙何夢與泉山王惠升紹興壬子正月四日偕來

王擇仁等題名高四尺廣三尺四寸十行行十二字字徑二寸四五分正書

紹興壬子開歲十有四日涪陵郡守平陽王擇仁智甫

招雲臺奉祠夷門李敏能成之郡丞開封李寘元輔太  
平散吏東萊蔡□元道過飲公堂酒罷再集江□泛舟  
中流登石梁觀瑞魚古□邦人以見魚爲有年之兆惟  
□□善政民已懷之桑麥之歌□□載道是以隱於數  
季而見□□□故惇喜爲之記

見字磨去改刻

劉意等題名

高二尺八寸廣二尺六寸八行行十  
一十二字字徑一寸六七分行書

□□劉意彥至豹林种□□思皆以職事趨郡遇故  
人江西李尙義宜仲還自固陵种法平牀来自東賓相  
率拏舟載酒遊北巖及觀石魚竟日忘歸客懷頃釋殊

不知薄宦飄零江山之牢落也紹興壬子季春初六日

慎思題

李宜仲等題名

高一尺七寸廣一尺一寸三行  
行四字字徑二寸五分許正書

李宜仲率劉彥至同種慎思遊

張宗憲題名

高一尺九寸廣存一尺四寸存  
三行行六七字字徑四寸正書

宋紹興二年十二月初八汝南張宗憲李

後缺

左上方有篆書侍行二字半泐

賈公哲等題名

高三尺二寸廣三尺六行  
行六七字字徑四寸正書

大宋紹興二年十二月望日賈公哲曲安祖李去病田

孝孫杜伯恭蔡興宗張稷張宗憲觀石魚



蔡興宗等題名

高二尺七寸廣二尺四行  
行六字字徑三寸許正書

蔡興宗耿宗弼張宗憲紉興乙卯正月十九日同觀石

魚

宋艾等題名

高三尺六寸廣二尺四行  
行六字字徑三寸餘正書

宋艾邢純劉蓬李□王冠朝有宋紹興丙辰正□五日

來

賈思誠等題名

高二尺八寸廣三尺四寸十四  
行行十字字徑二寸許正書

涪陵郡城下大江之中流有石魚焉見則為豐年之兆

父老相傳舊矣事雖不經偶茲早歉斯民艱食天或垂

憫貺以有年千里之顛幸也爰因休暇乃率別乘賈公

傑干之田景哲希賢趙子蟻景溫張振孫原之王賡子  
欽來觀而石魚出水面數尺傳言之驗將與斯民共慶  
之是可書也紹興丁巳十二月中休日无朝散郎知軍  
州事澶淵賈思誠彥孚題

賈思誠等再題

高一尺四寸五分廣三尺五寸十  
行行四五字字徑二寸餘正書

賈思誠彥孚賈公傑干之趙子蟻景溫張仲通彥中張  
振孫厚之潘無隅大方段洵直邦彥紹興丁巳季冬十

有二日同觀石魚

己未題記

高二尺四寸廣二尺二寸八行  
行七八字字徑二寸許正書

歲□戊午雙魚出淵

□自古昔實維豐年

紹

興八年正

月初□日郊人言之是歲果大稔明年再到後昔時十  
有三日水已肥美已未正月十□日書

孫仁宅等題名

高六尺九寸廣四尺八行行十  
四字字徑三寸四五分正書

涪陵江心石上昔人刻魚四尾旁有唐識云水涸至其  
下歲則大稔隱見不常蓋有官此至終更而不得觀者  
紹興庚申首春乙未忽報其出聞之欣然庶幾有年矣  
邀倅林琪來觀從遊者八人張仲通高邦儀晁公武姚  
邦孚仁宅之子允壽公武之弟公造邦儀之子甯  
祖郡守孫仁宅題

諸刻並言二魚此獨稱四尾何也

張仲通等題名

高一尺八寸廣一尺二寸四行  
行六字字徑一寸八分正書

張仲通陳靖忠馮忠恕同石魚紹興庚申正月丙申

晁公武等題名

高二尺五寸廣一尺九寸五分  
五行行九字字徑三寸許正書

晁公武邀外兄高邦儀外弟孫允壽弟公榮公退公適

姪子負表姪高甯祖甥王掖仝觀石魚紹興庚申正月

二十日

潘居實等題名

高三尺五寸廣一尺二寸四行  
行十二十三字字徑二寸正書

潘居實去華素顏睇王良子善金湯德源路謙子益

高永子修錢之諒益友共遊觀石魚紹興庚申正月念

三日也

張彥中等題名

高二尺四寸廣八寸五分三行行十字字徑二寸許小字二行正書

濟南張彥中高都王紹祖紹興庚申仲春十有二日来

觀石魚

彥中之子傑億侍行

周詡等題名

高三尺九寸五分廣二尺四寸五行行七字字長徑四寸五分篆書

周詡种彥培彥瑞姚邦榮邦孚李舊杜皆發李怙紹興

庚昌歲式月丙午來煑覺書

邦旁作手歲中少作止爰上作支皆篆體之謬者

李景覃等題名

高二尺廣二尺八寸七行行字不一字徑三寸餘正書

古汴李景覃

鄧襄

趙子澄

趙公矇

右四人紹興十三除前二日俱來魚在水尚一尺

杜肇等題名

高三尺一寸廣二尺三寸五行  
行七字字徑三寸六七分正書

杜肇任師宏張文遇張携龐价孺杜建鄧襄紹興甲子  
正月四日俱來杜肇之子彥攸侍行

張瑤等題名

高二尺八寸廣二尺五行  
行七八字字徑二寸正書

唐安張瑤上邽崔慶固陵冉彬陽翟蔡适

右四人同觀瑞魚實紹興甲子六日以識其來也故

書

李景孚等再題

高二尺二寸廣二尺五行行五字字徑四寸許正書左行

紹興甲子春正月晦魚全出李景孚鄧衷趙子澄載來

毋彬與焉

晁公遯題記

高二尺九寸廣四尺四寸廿行十二字字徑一寸五分正書

江發岷山東流入于巴其下多巨石霜降潦收則石皆

森然在水上昔涪之人有即其趾刻二魚或攷其時盖

唐云其後始志其出曰其占有年前予之至嘗一出已

而歲不宜於稼及余至又出因與荆南張度伯受古汴

趙子澄處度公矇景初李景孚紹祖楊侃和甫西蜀張

珤廷鎮任大受虛中往觀既歸未踰月而旱予竊怪其  
不與傳者協豈昔之所爲刻者自爲其水之候而無与  
於斯耶抑其出適丁民之有年而夸者附之以自神耶  
將天以豐凶警于下而象魚漏之則懼其不必于政而  
必于象魚故爲是不可測者耶於是歸三十有六日乃  
書此以告後之游者是歲紹興十五年正月廿八日也  
嵩山晁公邁子西

揚謬等題名

高二尺七寸廣一尺二寸五行行  
字不一字徑一寸五六分正書

紹興乙丑仲春上休日石魚出水四尺按古記大有年  
矣使院□□揚謬杜堯孟宗厚王注康□朱繼臣幸永



張猷張□文安□馬顏何玠□□同觀□□繼至

杜與可等題名

高二尺五寸廣二尺四寸十行  
入字字徑一寸五六分正書

戊辰春五馬以雙魚出水率郡寮同觀邦人杜與可楊

彥廣蒲德載董夢臣繼至因思王仲淹時和歲豐通受

其賜之語固知變理陰陽秉鈞官軸者優爲之矣乃刻

石以紀歲月焉紹興十有八年中春望日

鄧子華等題名

高一尺四寸廣三尺二寸七行  
三字字徑三寸餘正書左行

鄧子華种平叔趙子經紹興戊辰中春十

缺木缺

吳克舒題名

高四尺廣一尺二行行十  
一字字徑三寸正書

汴陽吳克舒以紹興癸酉書雲日挈家來游柁柳侍行

高祁等題名

高一尺六寸廣一尺二寸四行  
行九字十字字徑二寸許正書

郡幕高祁子敏令張維持國簿譚詢永叔尉蒲□□之

同來宋紹興乙亥□□□五口張綰處權題

以後刻證之此爲正月五日所題下方有乙丑辛  
日周品級文玉章遊此十二字橫列似非宋刻附

識之

張維題名

高二尺廣一尺二寸四行  
行八字字徑二寸餘正書

宋紹興乙亥人日前涪陵令張維持國挈家觀石魚弟

綰處權謹題

張維等再題

高一尺四寸廣一尺七寸七行  
行七字字徑一寸五分正書

前涪陵令張維同弟綰拉郡人孟彥凱高末許萬鐘重  
游石魚共喜豐年之兆是日綰擗毫題石以記歲時綰  
興乙亥戊寅丙辰

盛景獻題記

高四尺七寸廣五尺六寸八  
行行八字字字徑六寸許正書

襄陽盛景獻紹興歲乙亥正月七日率河南張景南河  
內游正父游希尹雷澤孟虞卿汎舟江南折梅賦詩復  
開帆至石龕下步磐石席坐縱飲既醉日且莫遡江而  
歸

黃仲武等題名

高二尺六寸廣一尺五寸五行  
行九字十字字字徑二寸正書

濮國黃仲武梁公壽春明宋子應小艇同來是日積雨

初晴江天一碧徘徊終日而歸時紹興丁丑元宵後五

日

賈振文等題名

高二尺六寸廣一尺二寸五分四行行十字字徑一寸六七分正書

乾道三年人日賈振文率鄧和叔李從周孫養正庾端

卿張

智

卿來觀姪德象甥向仲卿侍行

趙彥球等題名

高四尺七寸廣二尺六寸九行行十八字字徑一寸五分正書

石魚不出十有八年矣乾道丁亥

玉牒趙彥球攝守是邦魚復出是歲元日大晴人日亦

如之率僚屬遊北巖越三日遂觀

石

魚水痕尤瘦古刻

宛然涪人曰一句而三美具此天有年之兆而

賢太守德化之所感也在屬吏安敢不書從遊者五人

合陽王如慈古渝何肅眉山宋中和玉牒趙伯缺下

御前□字缺六翊王浩

王宏甫題名高一尺四寸廣一尺五行行六字字徑一寸五分正書

乾道丁缺三二日合陽王宏甫來觀石魚孫男桂老侍

行并書

盧棠等題名高二尺廣三尺十行行六字字徑二寸五分正書

乾道辛卯元日攝涪陵古汴盧棠拉學官忠南譚深之

錄參溫陵曾稷酒正汲陽高昱邑尉漢嘉鄧椿讀唐鄭

使君石刻驗廣德水齊預爲有年喜

劉師文等題名

高二尺三寸廣二尺十行  
行十二字字徑一寸餘正書

涪陵江心石梁刻二魚古今相傳水大落魚出見則時  
和歲豐百唐廣德間刺史鄭令珪已載二事而魚之鐫  
刻莫詳何代蓋取詩人眾維魚矣寔維豐年之義洎熙  
五年正月三日劉師文相約同勾□卿賈清卿來觀時  
水落魚下三尺邦人舟楫往來賞玩不絕因書以識  
昇平瑞慶云向仲卿題

馮和叔等題名

高三尺廣二尺八寸八行行  
八字字徑二寸五分分書

洎熙戊戌人日郡守劍浦馮和叔季成邵丞開封李拱  
德輔率前忠守河內向本价邦輔涪陵令奎信胥挺紹

祖郡幕東平劉甲師文來觀石魚以慶有年之兆

朱永裔等題名

高四尺廣二尺五寸八行行十四字字徑二寸許正書

詩人以夢魚爲

豐

年之祥非比非興蓋物理有感通者

涪郡石魚出而有年驗若符契比歲頻見年亦婁豐今

春出水幾四尺乃以人日躬率全寮教官相臺李衍郡

幕七閩會稷秋官武信胥挺武龍簿東平劉甲來觀知

今歲之復稔也因識其喜云是歲涇熙已亥假守閩中

朱永裔書

夏敏彥等題名

高二尺八寸廣四尺六寸七行行五字字徑三寸餘正書

郡守眉山夏敏彥博文學掾荊州董天常可久人日

民因觀石魚度豐年之祥

淳熙甲辰後疑失拓

賈渙題記

高二尺五寸廣一尺四寸五分五行行十一至十三字字徑一寸五六分行書

渙淵賈渙全姪衍之微之男翼之姪婿郭知口昏裴詩

來觀石魚尋先人州判出題遺迹雖未目覩手筆或可

意窺以江痕尙長故也時戊辰開禧元宵前

曹士中題名

高一尺廣二寸二行行五字字徑一寸五分許正書左行

嘉定庚辰江東曹士中觀

是刻在涪翁題名之右張維再題之左

李公玉等題名

高三尺五寸廣二尺三寸七行行九字字徑二寸許分書

寶慶丙戌穀日涪陵石魚出水面六尺郡太守唐安李



公玉喜其

缺二字

季之兆挈男澤

缺三字

覺民載酒來

缺四字

詠眉

缺五字

白子才張

缺

李公玉等再題

方二尺九寸前列四字字徑七寸許後七行行十一字字徑寸餘並正書

瑞麟古跡

郡守李口公玉新潼川守秦季樵宏父郡糾曹掾何昌

宗季文季樵之子九韶道古口之子澤民志可同來遊

石魚閣八年不出今方瞭然大為豐年之祥此不可不

書寶慶二年正月十二日

丙戌殘題

存一行六字字徑三寸餘分書

寶慶丙戌水落

後有元天厯年題記五行宋刻蓋爲所磨矣

謝興甫等題名 高二尺五寸廣二尺二寸五  
行行八字字徑二寸餘正書

長沙謝興甫起 缺資中楊坤之夷 缺人虞會和叔紹

定口寅上元後一日來觀石魚子錢侍

左方別有題刻僅見雙龍鱗甲奇变化待何時畱

十一字疑亦宋人所題

紹定殘刻 高二尺廣二尺六寸五行行存三  
字至五字不等字徑四寸許正書

缺鎬星江 缺口潼川馬驥 缺錢釋之後儀 缺潮彥診紹

定 缺正月五日全觀

張霽等題名 高四尺三寸廣三尺二寸十一行  
行十八字字徑二寸五分正書

石魚報稔之瑞曠歲罕見涓祐癸卯冬水落而魚復出  
既又三白呈祥年豐可占邵太守山西張霽明父率同  
察來觀通判開封李拱辰居中教授古通王楨鈞卿判  
官古黔鄧季寅東叔錄長沙趙萬春伯壽司理鳳集  
孫澤潤之司戶趙與勅仲器監酒潼川李震發子  
華安應午子西監稅資中張應有嗣行涪陵縣令  
武信趙廣僖公叔主簿合陽李因夏卿尉合陽馮申龍  
季英忠州南賓簿尉開漢王季和和公節幹成都周儀  
可義父節屬益昌張申之西卿郡齋奉節王建極中可  
與焉時嘉平既望謹識

王季和等題名

高三尺廣三尺二寸十行行八字字徑二寸五分正書

山西張侯來鎮是邦癸卯甲辰魚出者再邦人皆謂前所罕見屢書曰識其異忠南郡幕開漢王季和偕所親張文龍郡齋益昌張申之奉節王建極侍

太守來觀臘月念肆日也

鄧剛等題名

高一尺九寸廣一尺六寸四行行十二字字徑二寸五分正書

大宋治祐戊申正月石魚呈祥郡守廬陵鄧剛季中率

通判江陽何行可元達同觀望日謹誌

趙汝廩詩

高二尺六寸廣二尺八寸八行二行行十二字五行行十字字徑二寸五分正

書

淳祐庚戌正月八日郡守開封趙汝原觀石魚賦五

十六言

預喜金穰驗石鱗□能免俗且怡神曉行鯨背占前

夢

□紀龜陵知幾春拂石已無題字處觀魚皆是願豐人

片雲不爲催詩□欲雨知予志在民

劉濟川等題名

高三尺廣二尺四行行七字字徑三寸正書

淳祐辛亥三月既望左縣劉濟川三山林元成都杜庭

燮三遞何續來遊

朱子詩

高四尺四寸廣二尺四寸四行行七八字字徑四寸餘正書

眇愁方寸神明舍天下經綸具此中每向杜濶觀不足

正如有本出無窮晦翁

劉叔子詩

高四尺二寸廣四尺五寸十七行行十五字字徑二寸許正書

鑑湖之石魚唐人所刻也圖經謂三五季或十季方一

出出則歲稔大率與淪江晉義熙碑相侶 聖宋寶祐

貳季歲次甲寅蜡月立舊後一日郡假守長甯劉叔子

君舉偕別駕筵材望君厚送客江上過石魚浦尋訪舊

跡則雙魚已見實維豐年之兆因披沙閱古碣得轉運

使尙書主客郎中劉公忠順所題一詩叔子感慨頽波

之滔滔激節石魚之砥柱而轉運公之佳句與之相爲

無窮敬嗣韻以識盛事尙庶幾小雅歌牧人之夢之意  
示尔

隋尾洋洋石上鐫或依于藻或依蓮夢占周室中興日  
刻自唐人多歷季隱見有時非強致豐凶當歲必開先  
太平誰謂真無象罩罩還歌樂毀賢

三年舊王正月乙巳命男貢士從龍書

塞材望詩

高二尺二寸廣三尺六寸十三  
行行十字字徑二寸許正書

治目石魚之出占歲事之豐呂歲事之豐彰太守之賢  
尙矣長甯劉公叔子鎮是邦又出夫豈偶然別駕潼川  
塞材望虞皇祐劉轉運詩目紀之

宋寶祐貳年嘉平下辭書

何代潛鱗翠珍鑄雙雙依藻更依蓮夢符端報屢豐兆

物盛魚麗美萬物盛多宜歌大有年玉燭調和從可卜金刀題

詠又開先渾如潑刺我心躍感召還知太守賢粵明年

人日重遊

江應曉詩高二尺八寸廣一尺八寸五行行七字字徑二寸餘正書

扁舟江上覓神鑄結社何須訪白蓮水底影浮剛一尺

畝中兆協已千年沉碑秘識杜元凱博物誰同張茂先

別駕重來賡轉運風流太守是前賢新安江應曉

楊名時詩高二尺廣二尺七寸九行行七字字徑寸餘正書



江有魚方石上鐫浪生鱗甲擁爲蓮鑑湖不遊驚魚笛  
白鶴將鳴和有年在藻興歌時已遠臨淵難羨釣淮先  
風流刺史懸魚節化作遊鱗頌令賢  
涪庠士楊名時

和

金國祥詩

高三尺六寸廣三尺五寸九行  
行七字字徑二寸五分正書

江石之魚何代鐫江頭之石擁青蓮呈奇偏遇上元節  
題句因書淳祐年來去豈爲簑笠引浮沉不作鼉鼉先  
今人漫續古人詠他日還傳此日賢  
新安金國祥

徐上昇等詩

高二尺廣二尺七寸九行  
行七字字徑一寸五分正書

約賦石魚江上鐫伊人佳句比青蓮留形遠垂建炎代

多誌由攷淳祐年潛見何心閔運會人材有意贊今先  
民依可念愁魴尾題石故願刺史賢

涪庠庠士徐上鼎和同兄上輔

右三詩皆用劉轉運韻而金徐二作皆稱淳祐徐

詩又稱建炎所未詳也姑附於此

何震午等題名高二尺五寸廣三尺九行行九字十字字徑二寸許行楷書

寶祐戊午正月戊寅軍事判官昌元何震午季明知樂

溫縣燕國趙與珞思復糾曹宕渠素逢龍清甫理掾古

渝杜夢午南卿文安王垓子經汴陽向大源清夫觀石

魚之兆豐拂治翁之遺跡亦一時滕遊也濡筆以書

甲子題記高三尺六寸廣三尺五寸十四行行八至十五字不等字徑二寸正書

涪江之心有石魚春初魚見可卜豐稔州之八景云石魚兆豐者即其所也甲子春正月忠州守朱世兄自巴渝返舟過此其尊人與余誼屬師弟而其叔朱羽公諱麟禎者初官于涪士民德之亦嘗來此余因携觴偕往以續舊遊見石魚復出則是年之稔可知因舉觴相慶曰國之重在民上之重在食而食之足又在樂歲之有餘則吾儕之此一遊也非但以遊觀爲樂直樂民之樂也云爾於是乎記

李可久等題名方一尺六寸五行行五六字字徑二寸許行書左行

李可久偕弟光錫光福蔣伯禹古廷輔來觀戊戌中春  
七日廷輔之子鎡侍

趙時儼題名

高一尺六寸廣一尺八寸六行  
行五六字字徑二寸餘正書

玉牒時儼丞郡于茲石魚兩載皆見之王戊仲春甥屬  
同妹夫王倬遊男若金侍

集韻妹渠尤切匹也此疑用妹字

雷穀題記

高二尺六寸廣二尺十行行十三  
字字徑一寸四五分正書

予知是州視篆枋有告曰江心有石魚枰斗出則年豐  
是歲甲申水涸率寮屬以遊觀得觀者魚而已枰斗猶  
漬之水時果稔輸用足乙酉仲春二日同僚友徵仕郎

陳子仲致中後仕郎荀仕能復覽魚去水五尺桮斗不見如昨時 朝使江右晏孟瑄洎州學正古郡歐陽士麟訓導西陵易巽義陵張致和古邵成禮同遊生員萬琳等侍奉訓大夫涪陵守古邕雷敷運通誌

盛芹等題名

高二尺三寸廣二尺二寸五行行六字字徑三寸許正書

盛芹率張造游蒙張遜同來子貞德公孝胄興忠侍歲

丙子上元後二日

盛芹疑即盛景獻芹其名景獻其字也張造疑即張景南取義於南宮氏游蒙疑即游正父蒙以養正名字相協丙子疑爲紹興廿六年姑附宋末

祿幾復等題名

高三尺廣二尺七寸六行行七至九字字徑四寸許正書

判官祿幾復兵官王世昌趙善暇知錄郝烜縣令楊灼

司理孫震之司戶李國緯主簿何昨縣尉鄧林歲戊辰

上元同來

何憲等詩

高五尺四寸廣四尺七寸十八行行字不一字徑二寸許正書

□□□□□出水三尺□

缺

通□□□□觀因成拙

詩一章繕寫拜

呈伏□

笑覽

知涪州軍州事何

憲

何年天匠巧磨礱巨尾橫梁了莫窮不是江魚時隱見

要知田稼歲凶豐四靈効瑞非臣力一水安行屬  
帝功職課農桑表勤惰信傳三十六鱗中

歲將大稔霍魚出見邦人縱觀以慰維魚之占也戊  
辰正月二十有八日魚出水數尺

知府學士置酒瑞鱗閣邀賓佐以樂之又蒙出示  
佳篇以紀其實辛雖非才輒繼  
嚴韻斐然成章但深慙慙伏幸

宋覽 權通判軍州盛 辛

巨浸浮空無路通霍鱗紀瑞杳難窮昔人刻石留山趾  
今日呈祥表歲豐衆喜有年歌

善政獨慙無補助

成功須知顯晦將千載往哲標名歲大中

唐宣宗年号也

縣令王善謹刻判官龐儒書

高應乾詩

高一尺七寸廣二尺八行行七字字徑一寸七分正書

訪勝及春遊幾魚古石留能觀時顯晦不逐浪沉浮守  
介難投餌呈祥類躍舟胥歸霖雨望千載砥中流西

陵高應乾侶叔氏題

楊太守詩

高二尺八寸廣二尺四寸七行行十字字徑一寸六七分行書

太守楊公留題

邀客西津上觀魚出水初長江多巨石此地近仙居所



記皆名筆為祥舊口書豐年知有驗遺秉利將舒戲草

春波靜雙鱗樂意徐不才叨郡寄燕喜愧蕭疎

姚昌遇等題名 高四尺四寸廣二尺六寸三行  
行字不一字徑五寸餘正書

吳興姚昌遇

彭城錢好問偕侍親觀故跡

下方有明成化年題刻四行

李襲題名 高四尺一寸廣一尺三寸二行行七字字  
長徑五寸四分又小字二行行十二字字

長徑一寸四分並小篆

李襲觀石魚題名涪陵尉鄭階平書

二石魚在江心石梁上古記云出水四尺歲必大稔

袁能刻

傅端卿題名

高廣不計一行六字字徑五寸許正書在張宗憲題名之右

遂甯傅端卿遊

董時彥題名

高廣不計一行六字字徑二寸許正書在楊太守詩刻之右

□□董時彥遊

王漢老題名

高廣不計一行九字字徑二寸許正書在申狀題記之右

無諍居士王漢老來觀

駢體殘刻

高二尺三寸廣一尺六寸四行八字字徑二寸五分行書

溯清流而漱甲砥洪波以安瀾旋因止水住爲依山泊

卜豐年之兆待作化龍之觀

已卯冬乞假旋里道經鄂垣姚彥侍以此見贈亟錄之桉魚長三尺銜尾而進弟二魚上方行末有見南記三正書字徑三寸許疑是唐刻所遺明統志江心石魚在鑑湖上流江心有石刻雙魚皆三十六鱗一銜萱草一銜蓮花有石秤石斗在旁魚現則年豐題記悉與之合題刻諸人晦翁涪翁而外姓名全者三百四人惟朱昂吳革劉甲史有專傳龐恭孫附其祖籍傳而已文苑傳朱昂字舉之太平興國二年知鄂州加殿中侍御史爲峽路轉運副使就改庫部員外郎遷轉運使端拱二年以

本官直秘閣賜金紫此詩作於元年十二月已將  
去蜀史不載柱國者略之龐恭孫字德孺宰相籍  
孫單州武成人史稱崇甯中知涪州此題在大觀  
二年尙未去任也忠義傳吳革字義夫華州華陽  
人史所載皆南渡時事此題在宣和四年蓋即其  
人史不詳其所歷官位闕也劉甲字師文其先永  
靜軍東光人後家龍游淳熙二年進士累官至度  
支郎中此題尙在其前史家略之至史傳之劉恕  
子渙字凝之爲穎上令王素子震字子發在紹聖  
年間王拱爲建康府前軍統制劉蒙附張問傳字

子明渤海人周南字南仲平江人紹熙元年進士  
張遜博州高唐人在太宗朝均非即此題名之人  
矣宋宗室世系表武節郎子蟻令肅子秦王裔忠  
翊郎子澄令答子與珞希樅子俱燕王裔武翼郎  
公矇宜之子廣陵郡王裔汝廩善棗子商王裔明  
統志趙汝廩知涪州勸農興學民爲立生祠於學  
宮以配鄭黃尹譙四賢亦賢牧也表有訓武郎子  
遜令高子又有忠訓郎子通令龍子俱燕王之後  
有兩與祁一爲希棗子一爲希濬子亦皆燕王之  
後有四彥球一爲高密郡王之後公回子一爲廣

陵郡王之後公立子其二皆廣平郡王之後一爲  
公亮子一爲公尤子此題名者未知孰是王冠朝  
即書伊川祠記者

八瓊室金石補正卷八十三終